

պատարագի ելի արտաքս քան զդուռն սենեկին, և նոքա տեսեալ թէ ես ելանեմ արտաքս թէպէտ ոչ գիտեն թէ զինչ է, սակայն սկսան գալ զկնի իմ ուր և երթայի, և իջի ի վայր ի գաւիթ տանն և սանդուղքն տանն ընդ որ իջանէաք խլխլեալ ամենեկին, իսկ ի շարժմանն այնմիկ մի աստիճանացն յայտուցս և մին յայնկոյս տարուբերեալ ծփէին իբրև ի մէջ մրրկեալ ալեաց ծովու. և առ ստորոտովն վէմ մի մեծ որձաքար թաւալեցուցեալ կայր, և որ անկեալ ընդ սանդուղսն հարցի ընդ վէմն ընդ այն չիք փրկութիւն. սակայն աստուծով ես առաջի և նոքա զկնի իջաք անմլաս ամենեքին ի գաւիթն. սակայն հայեցայ և ի գաւիթն զի էր արարեալ յամենայն կողմանց ի քարակոյտ որմոց, որոյ քարինքն իբրև զտերևս ծառոց թօթափէին, և չէր ուրեք տեղի փախստեան, ապա աճապարեցի և ելի արտաքս նաև ի գաւթէ անտի ի յընդարձակ տեղի մի, և եղեալ եմ ի մտի կալ ի միջոցին, զի թէպէտ նաև անդ այնպիսի քարակոյտ որմունք կան յամենայն կողմանց, սակայն հետի են ի միջոցէ անտի, այլ յերթալն մինչև անդ մասամբ իմն ի կոխելոյս ի վերայ քղանցից հանդերձիս, և մասամբ իմն ի շարժմանէ երկրին սայթաքեալ անկայ, և թէպէտ հարի գքարի և սակաւ մի վիրաւորեցայ, սակայն անմլաս, և իբրև անկայ ես անկան նաև նոքա որք էին ընդ իս, այլ յարուցեալ գնացի կացի ի միջոցի անդ, և նոքա որք գային ընդ իս եկին և կացին առ իս. և յետ այսր ամենայնի տակաւին ոչ դադարեցաւ նոյն միանգամ սկսեալ շարժումն անընդհատ, և հայեցեալ տեսանէաք, զի կործանէին ամենայն որմունք շուրջանակի, և տուն յորում էաք ծածկեցաւ ի փոշոյ կործանմանցն: Կայր առաջի մեր վէմ մի մեծ, զոր ասեն պինէկ թաշը, և այն ահագին վէմն թգաւ չափ ոտուցեալ բարձրանայր յերկրէ և իջանէր: Կործանեցաւ սենեակն յորում պատարագէի կործանեցան և այլ բազում կողմանք տանն. սակայն շնորհօքն աստուծոյ ոչ ոք մեռաւ ի մէջ, բայց միայն փոքրիկ մանուկ մի յարութիւն աղային երեք ամաց ստեփան անուն, զոր ոչ էին զարթուցեալ ի քնոյն և մտացեալ էր ի սենեկի անդ յորում ննջէին նոքա ամենեքին ի միասին:...

Յամի տեան 1766
Յունիսի 7
[Կ. Պոլիս]

Նուստ ծառայ
Հ. Անանիա վրդպ.

ՍԿԲ.

Գ.

Գերաւեճար Գերյարգելի Աբրայ Հօր մերոյ և յարունպետի տեառն տեառն Ստեփանեոս Վարդապետի, ողջոյն

Թղթ. 29.

Ի մայիսի 1, գրեցի համառօտիւ. բայց այժմ վերստին գրեցից գերկրաշարժութենէ քաղաքիս. քանզի ի մայիսի 22 յերեքշաբթի, ի տասներորդ ժամուն, իբր զկնի կիսոյ ժամուն զկնի ծագման արևուն, եղև գետնաշարժութիւն մեծ: Բայց յառաջ քան զայս երկրաշարժութիւնս, բազում աւուրք յառաջ, եղանակն և օդն էր յոյժ այլանդակ և անյարմար. քանզի օդն էր անմաքուր և ծանր. գաղջ և ջերմ իբր աւուրք օգոստոսի, մինչև մեզ երկնչիլ թէ այս եղանակ գուշակէ գգետնաշարժութիւն. բայց ոչ գուշակէաք զայսպիսի մեծն, որ տեսաց առնուագն երեք ըսպէք. և սկսաւ այսպէս:

Յառաջ քան զշարժն ծովն գնաց յետ յետ յափն կուսէն ի ըստամպօլ: Իսկ ի կղզիս, ասեն ահանատեսքն, թէ իբր 100 կանգուն յետ յետ գնաց ծովն. մինչև ձկանց մնալ ի վերայ հողոյ. և ապա դարձաւ անդրէն ծովն առ ափն կոյս, և բարձրացաւ աւելի քան գյառաջն: Արդ ծովն ի դառնալն, դարձաւ որսոմամբ երկրիս, և ընդ նմա եղև գետնաշարժն եկեալ յարևմտից, որ ցնցեաց ուժգին և ընդ երկար. և զկնի բազում անգամ